

Ստեղծագործության նկատմամբ գույքային իրավունքների փոխանցման

ք. Երևան

«24», նոյեմբերի, 2015թ.

«Զանգակ-97» սահմանափակ պատասխանատվությամբ ընկերությունը՝ ի դեմս գլխավոր տնօրեն Սուրառ Մկրտչյանի (անձնագիր՝ AM 0333633, տրված 005-ի կողմից), որը գործում է ընկերության կանոնադրության հիման վրա (այսուհետ՝ Չեռքբերող) մի կողմից, և հեղինակներ Հեղինե Խաչատրյանը (անձնագիր՝ AK0543311, 29.06.2010 թ, 009-ի կողմից), Գայանե Թերզյանը (անձնագիր՝ AM04604583, 05.10.2011 թ, 011-ի կողմից) և Կարինե Ազատի Թորոսյանը (անձնագիր՝ AM04642871, տրված 11.10.2011 թ, 006-ի կողմից), (հեղինակները միասին այսուհետ՝ Հեղինակ) մյուս կողմից (Չեռքբերողը և Հեղինակը միասին այսուհետ՝ Կողմեր), կնքեցին սույն պայմանագիրը հետևյալի մասին.

1. Պայմանագրի առարկան

1.1. Հեղինակը սույն պայմանագրով փոխանցում է Չեռքբերողին «Խոսք և հաղորդակցություն 1», «Խոսք և հաղորդակցություն 2» աշխատանքային տետրերի և «Խոսք և հաղորդակցություն 1», «Խոսք և հաղորդակցություն 2» մեթոդական ձեռնարկների մաս կազմող նյութերի (այսուհետ՝ Ստեղծագործություն) նկատմամբ «Հեղինակային իրավունքի և հարակից իրավունքների մասին» ՀՀ օրենքով (այսուհետ՝ Օրենք) նախատեսված՝ իր՝ որպես հեղինակի բացառիկ գույքային իրավունքները (այսուհետ՝ Գույքային իրավունքներ):

1.2. Չեռքբերողը՝ սույն պայմանագրով սահմանված կարգով՝

1.2.1. ընդունում է իրեն փոխանցվող Գույքային իրավունքները.

1.2.2. վճարում է իրեն փոխանցված գույքային իրավունքների դիմաց:

2. Պայմանագրի ընդհանուր դրույթները

2.1. Հեղինակը երաշխավորում է, որ մինչև սույն պայմանագիրը կնքելու պահը Ստեղծագործության նկատմամբ ձեռք է բերել Օրենքով նախատեսված բացառիկ գույքային իրավունքներ, և որ Ստեղծագործության բովանդակությունը կազմող նյութերը չեն ոտնահարում երրորդ անձանց գույքային կամ այլ իրավունքները:

2.2. Կողմերը հայտարարում են, որ մինչև սույն պայմանագրի ստորագրումը Կողմերի միջև բոլոր իրավահարաբերությունների շրջանակներում բոլոր պարտավորությունները պատշաճ կատարված են, ուստի.

2.2.1. Հեղինակը հայտարարում է, որ մինչև սույն պայմանագրի ստորագրումը Չեռքբերողի հետ ունեցած որևէ իրավահարաբերության առնչությամբ Չեռքբերողի նկատմամբ որևէ պարտք և/կամ պահանջ չունի:

2.2.2. Չեռքբերողը հայտարարում է, որ մինչև սույն պայմանագրի ստորագրումը Հեղինակի հետ ունեցած որևէ իրավահարաբերության առնչությամբ Հեղինակի նկատմամբ որևէ պարտք և/կամ պահանջ չունի:

2.3. Բացառիկ գույքային իրավունքները տրամադրվում են Չեռքբերողին 2016թ. հունվարի 1-ից՝ 10 տարի ժամկետով, սակայն դադարում են գործել գույքային իրավունքների գործողության՝ Օրենքով նախատեսված առավելագույն ժամկետը լրանալուց, և (կամ) Ստեղծագործությունը օրենսդրությամբ սահմանված կարգով հանրային սեփականություն դառնալուց հետո:

2.4. Սույն պայմանագրի 1.1 կետով փոխանցված իրավունքների գործողության տարածքը ներառում է աշխարհի բոլոր պետությունները:

3. Պայմանագրի գինը և վճարման կարգը

3.1. Սույն պայմանագրի գինը կազմում է յուրաքանչյուր աշխատանքի համար 83333 (ութսուներեք հազար 333) ՀՀ դրամ ներառյալ ՀՀ օրենսդրությամբ սահմանված բոլոր հարկերը:

3.2. Սույն պայմանագրի գինը բաժանվում է հեղինակների միջև հավասարապես:

3.3. Չեռքբերողը պարտավորվում է սույն պայմանագրի 3.1 կետով սահմանված գումարը վճարել մինչև 30.12.2016 թ.:

3.4. Սույն պայմանագրի շրջանակներում բոլոր վճարումներն իրականացվում են կանխիկ կամ փոխանցումով:

4. Կողմերի իրավունքներն ու պարտականությունները

4.1. Ձեռքբերողն իրավունք ունի.

4.1.1. Սույն պայմանագրի 1.1 կետով իրեն փոխանցված իրավունքները սույն պայմանագրի գործողության ընթացքում տնօրինել, տիրապետել, օգտագործել, ինչպես նաև իր հայեցողությամբ և իր նախընտրած պայմաններով, Օրենքով սահմանված կարգով փոխանցել երրորդ անձի:

4.1.2. Իր հայեցողությամբ և իր նախընտրած պայմաններով վերարտադրել Ստեղծագործությունը:

4.1.3. Իր հայեցողությամբ և իր նախընտրած պայմաններով տարածել Ստեղծագործությունը:

4.1.4. Իր հայեցողությամբ և իր նախընտրած պայմաններով Ստեղծագործության բնօրինակը կամ օրինակները տալ վարձույթով:

4.1.5. Իր հայեցողությամբ և իր նախընտրած պայմաններով Ստեղծագործության բնօրինակի կամ օրինակների փոխատվության:

4.1.6. Իր հայեցողությամբ և իր նախընտրած պայմաններով թույլատրել Ստեղծագործության հաղորդումը հանրությանը:

4.1.7. Իր հայեցողությամբ և իր նախընտրած պայմաններով օգտագործել Ստեղծագործությունը Հայաստանի Հանրապետության օրենսդրությանը չհակասող այլ ձևերով ու եղանակներով:

4.2. Ձեռքբերողը պարտավորվում է.

4.2.1. Հարգել Ստեղծագործության նկատմամբ Հեղինակի հեղինակային իրավունքը, զերծ պահել Ստեղծագործությունն աղավաղումներից և Հեղինակի համբավին կամ արժանապատվությանը վնաս հասցնող այլ ոտնձգություններից:

4.2.2. Հարգել Հեղինակի հետկանչի իրավունքը և հետկանչի պատճառով Ձեռքբերողի կրած բոլոր վնասները, ներառյալ բացթողնված օգուտը Հեղինակի կողմից փոխհատուցելու դեպքում Ստեղծագործության օրինակները հանել շրջանառությունից:

4.3. Հեղինակը իրավունք ունի.

4.3.1. Հրապարակայնորեն ներկայանալ որպես Ստեղծագործության հեղինակ:

4.3.2. Լուսաբանման նպատակով Ստեղծագործության անվանումն ընդգրկել իր հեղինակած այլ Ստեղծագործությունների ժողովածուներում:

4.3.3. Ստեղծագործության ցանկացած մաս օգտագործել իր հեղինակած այլ ստեղծագործություններում, ելույթներում, հրապարակումներում և ՀՀ օրենսդրությանն ու սույն պայմանագրին չհակասող այլ ձևերով:

4.4. Հեղինակը պարտավորվում է.

4.4.1. Ստեղծագործության հետկանչի՝ իր՝ Օրենքով սահմանված իրավունքից օգտվելու դեպքում փոխհատուցել Ձեռքբերողի բոլոր վնասները, ներառյալ բացթողնված օգուտը:

5. Կողմերի պատասխանատվությունը

5.1. Կողմերն իրականացնում են Ստեղծագործության հեղինակային իրավունքների պաշտպանությունը ՀՀ միջազգային պայմանագրերի և օրենսդրության համապատասխան:

5.2. Կողմերը պարտավորվում են անհապաղ հայտնել միմյանց և հեղինակային իրավունքի պաշտպանությունն իրականացնող պետական մարմիններին Ստեղծագործության անօրինական օգտագործման՝ իրենց հայտնի դարձած դեպքերի մասին:

6. Եզրափակիչ դրույթներ

6.1. Սույն պայմանագիրն իրավական ուժ է ստանում Կողմերի կողմից ստորագրման պահից:

6.2. Սույն պայմանագիրը բաղկացած է 3 էջից և կազմված է 3 օրինակից, որոնք ունեն հավասար իրավաբանական ուժ: Պայմանագրի մեկական օրինակ տրվում է կողմերին:

6.3. Սույն պայմանագրի փոփոխությունները և լրացումները վավեր են, եթե կազմված են մեկ միասնական փաստաթղթի տեսքով, ստորագրված են Կողմերի կամ նրանց ներկայացուցիչների կողմից, հաստատված են Կողմերի կնիքներով: Սույն պայմանագրի փոփոխություններն ու լրացումները, սույն պայմանագրի շրջանակներում Կողմերի միջև կնքված լրացուցիչ համաձայնագրերը կցվում են սույն պայմանագրին և հանդիսանում են նրա բաղկացուցիչ մասը:

6.4. Սույն պայմանագրի շուրջ ծագած վեճերը լուծվում են Կողմերի անմիջական բանակցությունների միջոցով, իսկ համաձայնության չգալու դեպքում՝ ՀՀ օրենսդրությամբ սահմանված կարգով:

7. Կողմերի հասցեները, բանկային վավերապայմանները և ստորագրությունները

Ձեռքբերող

Հեղինակ

«Ջանգակ-97» ՍՊԸ

ՀՀ, 0051, Երևան, Կոմիտասի 49/2

Հեռ. (37410) 232528

Ֆաքս (37410) 232595

ՀՎՀՀ 00830786

HSBC Account number: 001-040013-001



Կարինե Թորոսյան

անձնագիր՝ AM04642871,

տրված 11.10.2011 թ, 006-ի կողմից

Շեղինե Խաչատրյան

անձնագիր՝ AK0543311,

տրված 29.06.2010 թ, 009-ի կողմից

Գայանե Թերզյան

անձնագիր՝ AM04604583,

տրված 05.10.2011 թ, 011-ի կողմից